

ტექნიკური დავალება

1.2.1 თბილისში არსებული უმაღლესი სასწავლებლების მოქმედი სტუდენტებისთვის (18-23 წელი) საწვრთნელი-სატრენინგო მომსახურება.

- აგვისტოს თვეში უნდა მოეწყოს 2 ერთმანეთისგან თემატურად განსხვავებული, სხვადასხვა ნაკადის წვრთნები და ტრენინგები.
- ორივე ნაკადი უნდა მოეწყოს ერთმანეთის მიყოლებით, განსხვავებულ თარიღებში.
- თითო ნაკადი უნდა იყოს 40 სტუდენტი.
- განთავსების ადგილი უნდა იყოს თბილისიდან არანაკლებ 20 კმ.-ის დაშორებით.
- განთავსების ადგილი არ უნდა იყოს საზღვაო კურორტი ან ტბასთან ახლოს მდებარე კურორტი.
- მომწოდებელმა უნდა უზრუნველყოს 72 საათით ადრე PCR ტესტირება ყველა მონაწილისთვის, მათ შორის, სტუდენტებისთვის და საორგანიზაციო ჯგუფისთვის.
- თითო ნაკადის ხანგრძლივობა 7 კალენდარული დღე.
- განთავსების ადგილას ღამის თევის რაოდენობა უნდა იყოს 6 ღამე.
- თბილისში დაბრუნების დრო - გამგზავრებიდან მე-7 დღე.
- გამომგზავრების დრო, არაუგვიანეს 15:00 საათისა.
- გამგზავრების დრო, არაუგვიანეს 10:00 საათისა.

1.2.2 თითოეული ნაკადის გამართვის და ორგანიზების დროს, მათ შორის ტრანსპორტირების დროსაც დაცული უნდა იყოს კორონავირუსის გავრცელების პრევენციასთან დაკავშირებით რეკომენდაციები და რეგულაციები.

1.2.3 საცხოვრებელი ადგილი უნდა აკმაყოფილებდეს შემდეგ მოთხოვნებს:

- საცხოვრებელი ადგილი უნდა იყოს სასტუმროს ან კოტეჯის ტიპის შენობა/შენობები.
- მიმწოდებელი ვალდებულია შემსყიდველთან შეთანხმებით შეარჩიოს სასტუმრო, ხელშეკრულების გაფორმებიდან არაუმეტეს 7 კალენდარული დღისა.
- სასტუმრო უნდა აკმაყოფილებდეს შემსყიდველის მიერ გაწერილ ყველა მოთხოვნას.
- თუ სასტუმრო არ აკმაყოფილებს შემსყიდველის მოთხოვნებს, მიმწოდებელი ვალდებულია შეარჩიოს სხვა სასტუმრო არაუმეტეს 5 კალენდარული დღისა.
- შენობა ადაპტირებული უნდა იყოს შეზღუდული შესაძლებლობებისა და სპეციალური საჭიროებების მქონე პირებისთვის (მსგავსი საჭიროებების მქონე პირების მონაწილეობის შემთხვევაში).

- ტერიტორიას უნდა ჰქონდეს ეზო არანაკლებ 400 მ.2, რომელიც იქნება კეთილმოწყობილი, იზოლირებული და შემოღობილი.
- სასტუმროს ეზო უნდა სუფთავდებოდეს ყოველდღიურად.
- სასტუმროს ყველა სართულზე ან/და თითოეულ კოტეჯში უნდა იყოს ცეცხლმაქრი.
- სასტუმროს/კოტეჯებს უნდა ჰქონდეს იზოლირებული საკარანტინე სივრცე.
- სასტუმრო აღჭურვილი უნდა იყოს უკონტაქტო თერმომეტრით. სტუმრების ტემპერატურის აღრიცხვა უნდა ხდებოდეს ყოველდღიურად.
- სასტუმროს შესასვლელში, საერთო სივრცეში და საერთო ტუალეტში უნდა იყოს სადეზინფექციო ხსნარი.
- სასტუმროს საერთო ღია და დახურული სივრცეები უნდა აკმაყოფილებდეს ჰიგიენის ყველანაირ სტანდარტს და უნდა სუფთავდებოდეს ყოველდღიურად.
- სასტუმროს ეზო აღჭურვილი უნდა იყოს ეზოს ინვენტარით (მაგიდები, სკამები, პუფები ან/და დასაჯდომი საშუალებები).

1.2.4 საცხოვრებელი გარემო უნდა იყოს კომფორტული და მისადაგებული საწვრთნელ-სატრენინგო პირობებთან.

- სტუდენტებისთვის განკუთვნილი ოთახები უნდა იყოს მინიმუმ ორ ადგილიანი და მაქსიმუმ 4 ადგილიანი.
- სასტუმროში/კოტეჯში უნდა იყოს დამატებით 10 ინდივიდუალური ოთახი საორგანიზაციო ჯგუფისთვის.
- თითოეულ ოთახს უნდა ჰქონდეს დამოუკიდებელი სველი წერტილი (აბაზანა-ტუალეტი).
- თითოეული ოთახი აღჭურვილი უნდა იყოს გათბობის და გაგრილების სისტემით.
- აუცილებელია, ოთახებს მუდმივად მიეწოდებოდეს ელექტო ენერგია და ცხელი წყალი.
- ოთახებს უნდა ჰქონდეთ სტუმრების რაოდენობის შესაბამისი საბნები, პლედები, თეთრეული და პირსახოცები.
- ოთახი აღჭურვილი უნდა იყოს ჰიგიენისთვის განკუთვნილი პირველადი მოხმარების ნივთებით (საპონი, შამპუნი, ტუალეტის ქაღალდი, თმის საშრობი ფენი).
- ოთახში უნდა იყოს შემდეგი ნივთები: ელექტრო ჩაიდანი, ოთახში სტუმრების რაოდენობის შესაბამისი ჭიქები.
- ნაკადის წვერებს შორის შეზღუდული შესაძლებლობების ან სპეციალური საჭიროებების მქონე პირებისთვის უნდა იყოს ცალკე, ერთადგილიანი ოთახი (მსგავსი საჭიროებების მქონე პირების მონაწილეობის შემთხვევაში).
- ოთახებში უნდა იყოს უკაბელო ინტერნეტზე (WIFI) წვდომა.
- თითოეულ ოთახში უნდა იყოს ხელების დასამუშავებელი სადეზინფექციო ხსნარი.

- ოთახები უნდა სუფთავდებოდეს ყოველდღიურად.
- თეთრეული და პირსახოცები უნდა იცვლებოდეს სამ დღეში ერთხელ.
- საჭიროების შემთხვევაში, შესაძლებელი უნდა იყოს დამატებით თეთრეულის ან/და პირსახოცების გამოცვლა.

1.2.5 სასტუმროს/კოტეჯების დამატებითი სერვისები:

- სასტუმროს უნდა ჰქონდეს საკონფერენციო დარბაზი.
- კოტეჯების შემთხვევაში, შესაძლოა იყოს ტერიტორიაზე არსებული, ერთიანი, დახურული სივრცე, ფანჯრებით, რომელიც გამოიყენება ღონისძიებების ჩასატარებლად.
- საკონფერენციო დარბაზი/დახურული სივრცე აღჭურვილი უნდა იყოს შემდეგი მოწყობულობებით (თეთრი დაფა (white board), პროექტორი, საპროექციო ეკრანი, ლეპტოპი, სკანერი, პრინტერი, ტელევიზორი, დინამიკები, მიკროფონი, უკაბელო ინტერნეტი).
- საკონფერენციო დარბაზს უნდა ჰქონდეს საჭირო საკანცელარიო ნივთები ფურცლები A4 210X297 3 შეკვრა, 100 საწერი კალამი, 100 ფანქარი, 80 საშლელი, 50 სათლელი, 30 მარკერი, თეთრი დაფის 5 ცალი მარკერი, თეთრი დაფის 2 საშლელი ღრუბელი).
- მიმწოდებელმა უნდა უზრუნველყოს სასტუმროში/კოტეჯში სპორტული და გასართობი აღჭურვილობის არსებობა (ბადმინტონის ჩოგნები, ბადმინტონის ბურთები, 2 ფეხბურთის ბურთი, 1 კალათბურთის ბურთი, 4 სხვადასხვა ტიპის სამაგიდო თამაში, კარტი).

1.2.6 მიმწოდებელმა უნდა უზრუნველყოს მონაწილეთა და საორგანიზაციო ჯგუფის (50 ადამიანის) დღეში სამჯერადი სრულფასოვანი კვება (საუზმე, სადილი, ვახშამი) თითოეული ნაკადისთვის.

- კვების რაციონი უნდა იყოს ჯანსაღი, უნდა შედიოდეს რძის პროდუქტი, ბოსტნეული, ხილი, ხორცი, თევზი, ტკბილეული, ცომეული. ამასთანავე, ჩაი, ყავა, წყალი, მინერალური სასმელი, წვენი.
- მენიუ წინასწარ უნდა შეთანხმდეს შემსყიდველთან.
- კვების ობიექტი უნდა აკმაყოფილებდეს სურსათის დაცვის სააგენტოს ყველა სტანდარტს.
- ასევე, დღეში ერთხელ დამატებითი შესვენება მსუბუქი დესერტით ან/და სალათებით, ყავა, ჩაი, მინერალური წყალი, წვენი (დრო შემსყიდველთან წინასწარ შეთანხმებით).
- სასადილო სივრცე უნდა იყოს არანაკლებ 80 მ².

1.2.7 ბაზაზე უნდა არსებობდეს სამედიცინო პუნქტი და სულ მცირე ერთი ექიმი, რომელიც მოემსახურება მონაწილეს საჭიროების შემთხვევაში.

- თუ განთავსების ობიექტს არ ჰყავს ექიმი, ამ შემთხვევაში, მომწოდებელმა უნდა უზრუნველყოს განთავსების ადგილას ერთი ექიმის ყოფნა 24/7 თითოეული ნაკადის განმავლობაში.

- ექიმი აღჭურვილი უნდა იყოს პირველადი დახმარების გასაწევად.
- მომწოდებელმა წინასწარ უნდა გააფრთხილოს ადგილობრივ საავადმყოფოში არსებული სასწრაფო სამსახური, რომლებიც მობილიზებულები იქნებიან საჭიროების შემთხვევაში.

1.2.8 სასტუმროში დაცული უნდა იყოს მონაწილეთა უსაფრთხოება.

- მომწოდებელმა უნდა უზრუნველყოს უსაფრთხოების თანამშრომლების ადგილზე მობილიზება 24/7 ყველა დღის განმავლობაში.
- უსაფრთხოების სამსახურის თანამშრომლების ვალდებულებაა, დაიცვას ტერიტორია უცხო პირთა შემოსვლისაგან, უზრუნველყოს წესრიგი და აღმოფხვრას/განმუხტოს კონფლიქტური სიტუაციები (ასეთის არსებობის შემთხვევაში).

1.2.9 მომწოდებელმა თითოეული ნაკადისთვის ადგილზე უნდა უზრუნველყოს შემსყიდველთან წინასწარ შეთანხმებით შემდეგი თანამშრომლები:

- 2 სუპერვაიზორი: 20 სტუდენტზე უნდა იყოს ერთი სუპერვაიზორი, რომელიც უხელმძღვანელებს და პასუხისმგებელი იქნება სტუდენტების ზედამხედველობაზე.
- 2 ტუტორი (ლიტერატურისა, ხელოვნების ან/და სხვა შემოქმედებით სფეროში მომუშავე ადამიანები. წვრთნების და ტრენინგების შესაბამისი თემატიკის მიხედვით შერჩეული და შემსყიდველთან წინასწარ შეთანხმებული).
- ღონისძიების ორგანიზატორი.
- 1 ფოტოგრაფი, აღჭურვილი ფოტოაპარატით და ფოტო-ვიდეო დრონით, აქტივობების ფოტოგადაღებისათვის. ფოტოგრაფი წინასწარ უნდა შეთანხმდეს შემსყიდველთან.
- 1 ექიმი, აღჭურვილი პირველადი მედიკამენტებით

1.2.10 მიმწოდებელმა უნდა უზრუნველყოს წვრთნებსა და ტრენინგებში მონაწილე ყველა პირის (სტუდენტების, საორგანიზაციო ჯგუფის, ტუტორების) გადაადგილება თბილისიდან დანიშნულების ადგილამდე და უკან თბილისში თითოეული ნაკადისთვის.

- მიმწოდებელმა უნდა უზრუნველყოს სტუდენტებისა და საორგანიზაციო ჯგუფის ტრანსპორტირება თითოეული ნაკადისთვის, თბილისიდან განთავსების ადგილამდე და განთავსების ადგილიდან თბილისამდე.
- ასევე, უნდა უზრუნველყოს ტუტორების ცალკე ტრანსპორტირება მანქანით მათი სალექციო გეგმა-გრაფიკის მიხედვით.
- სატრანსპორტო საშუალება (ავტობუსი/სამარშრუტო ტაქსი) უნდა იყოს სრულად გამართული, კონდიციონერული არანაკლებ 20 ადგილიანი თითოეული ნაკადისთვის.
- 50 ადამიანის შემთხვევაში ტრანსპორტირება უნდა მოხდეს ორი ან მეტი სატრანსპორტო საშუალებით.
- ტრანსპორტის გამოშვების წელი უნდა იყოს არანაკლებ 2000 წელი.
- მიმწოდებელი ვალდებულია ტრანსპორტირების დაწყებამდე ორი დღით ადრე წარმოადგინოს მძღოლის პირადობის, მართვის მოწმობის და სატრანსპორტო

საშუალებების ტექნიკური პასპორტის ასლი. სატრანსპორტო საშუალებას გავლილი უნდა ჰქონდეს ტექნიკური ინსპექტირება.

- მიმწოდებელი ვალდებულია უზრუნველყოს კვალიფიციური მძღოლის მომსახურება თითოეული ნაკადის ტრანსპორტირებისას.
- მიმწოდებელმა უნდა აჩვენოს/დაათვალიერებინოს შემსყიდველს სატრანსპორტო საშუალება ტრანსპორტირებამდე 2 დღით ადრე.
- ტრანსპორტი უნდა იყოს კომფორტული და მასში დაცული უნდა იყოს სანიტარული და ჰიგიენის ნორმები.
- მომწოდებელმა, საჭიროების შემთხვევაში, უნდა უზრუნველყოს დამატებით ერთ მსუბუქი ავტომობლით მომსახურება და წვრთნებისა და ტრენინგების მონაწილეთა ან ორგანიზატორთა ტრანსპორტირება.

1.2.11 წვრთნებისა და ტრენინგების თემატიკას სრულად განსაზღვრავს შემსყიდველი და წინასწარ აცნობებს მიმწოდებელს. მიმწოდებელი ვალდებულია შემსყიდველთან შეთანხმებით შეარჩიოს, განსაზღვრული თემატიკის მიხედვით, (მხატვრული ლიტერატურა, კინოხელოვნება, ცხოველთა მოვლა, გარემოს დაცვა და ა.შ.) მოწვეული ტუტორები და სუპერვაიზორები.

- ტუტორები (მწერლები, რეჟისორები, დრამატურგები ა.შ) უნდა შეირჩეს წვრთნებისა და ტრენინგების თემატიკის მიხედვით. თითოეულ ნაკადს უნდა ჰყავდეს ორი ტუტორი, რომელთა ვალდებულებაში შედის შემსყიდველთან თანამშრომლობა წვრთნების/ტრენინგების კურსის შედგენის პროცესში. ტუტორები ვალდებული არიან შემსყიდველის მიერ წინასწარ შედგენილი გეგმა-გრაფიკის მიხედვით ჩაატარონ ტრენინგები. ტუტორი ვალდებულია გეგმა-გრაფიკის შედგენის დროს დააზუსტოს საწვრთნელი კურსისთვის საჭირო ინვენტარი ან/და საკანცელარიო ნივთები. ტუტორი ვალდებულია თავად შეიმუშავოს სალექციო კურსის თემატიკა და მსვლელობა.
- ღონისძიების ორგანიზატორი უნდა შეირჩეს შემსყიდველთან წინასწარ შეთანხმებით. თითოეული ნაკადისთვის უნდა იყოს ერთი ორგანიზატორი. მის ვალდებულებაში შედის, მიმწოდებლის მიერ შედგენილი, შემსყიდველთან წინასწარ შეთანხმებული გასართბ-სპორტული აქტივობების ზედმიწევნით განხორციელება. პროგრამა შედგენილი გაწერილი უნდა იყოს მთელ დღეზე და არ უნდა ემთხვეოდეს სალექციო კურსებს. შუა დღეს სტუდენტებს უნდა ჰქონდეთ ორი საათი თავისუფალი დრო. ღონისძიებები უნდა დასრულდეს საღამოს 10 საათამდე.
- სუპერვაიზორი უნდა შეირჩეს შემსყიდველთან წინასწარ შეთანხმებით. თითოეული ნაკადისთვის უნდა იყოს ორი სუპერვაიზორი. მის ვალდებულებაში შედის შემსყიდველთან წინასწარ შეთანხმებული გეგმა-გრაფიკის მიხედვით სტუდენტებთან კომუნიკაცია, მათი დროული მობილიზება (აქტივობებსა და ლექციებზე დროული დასწრების კონტროლი, კვების ობიექტზე დროული გამოცხადება, სტუდენტის ავად

გახდომის შემთხვევაში, დროულად აცნობოს ექიმს და მიიღოს შესაბამისი ზომები).

1.2.12 მიმწოდებელმა უნდა უზრუნველყოს ზემოთხსენებული პირების ანაზღაურება.

- ტუტორები - თითოეული ნაკასადისთვის თითოეული ტუტორის ანაზღაურება 1000 ლარის ოდენობით ხელზე ასაღებად.
- სუპერვაიზორები - თითოეული ნაკადისთვის თითოეული სუპერვაიზორის ანაზღაურება 1000 ლარის ოდენობით ხელზე ასაღებად.
- ღონისძიების ორგანიზატორი - თითოეული ნაკადისთვის ღონისძიების ორგანიზატორის ანაზღაურება 1000 ლარის ოდენობით ხელზე ასაღებად.
- ფოტოგრაფი - თითოეული ნაკადისთვის ღონისძიების ფოტოგრაფის ანაზღაურება 1000 ლარი ხელზე ასაღებად.

1.2.13 საწვრთნელი-სატრენინგო ნაკადებისთვის მთავარი კონცეფცია დგინდება შემსყიდველის მიერ. მიმწოდებელმა უნდა უზრუნველყოს თითოეული ნაკადის აქტივობების გეგმა-გრაფიკის გაწერა შემსყიდველთან შეთანხმებით.

- მიმწოდებელმა უნდა უზრუნველყოს საწვრთნელი-სატრენინგო პროგრამის, მონაწილეებთან და საორგანიზაციო ჯგუფთან, ასევე, სასტუმროსთან და სხვა საჭირო პირებთან კომუნიკაციის და აქტივობების ორგანიზება.
- შუამავალი კომპანიის მონაწილეობის შემთხვევაში, პრეტენდენტმა უნდა წარმოადგინოს ინფორმაცია/დასტური იმის თაობაზე, რომ მის მიერ შემოთავაზებული სასტუმროს - განთავსების ადგილის ადმინისტრაცია გაცნობილია სატენდერო დოკუმენტაციის პირობებს და მზად არის, გასწიოს სასტუმრო მომსახურება სატენდერო დოკუმენტაციაში მითითებული პირობების მიხედვით.
- მიმწოდებელი ვალდებულია ყველა საორგანიზაციო საკითხი წინასწარ ჰქონდეს გაწერილი და მის მიერ ორგანიზებული საკითხები ფუნქციონირებდეს შეუფერხებლად (ტრანსპორტირება, განთავსება, ექიმის, მძღოლის მომსახურება და ა.შ.).
- 1.2.14 მიმწოდებელი ვალდებულია წვრთნებისა და ტრენინგების აქტივობები დაგეგმოს მთავარი კონცეფციის შესაბამისად, შემსყიდველთან წინასწარ შეთანხმებით. სტუდენტები აპლიკაციის შევსებამდე ტრენინგებისა და წვრთნების შესახებ უნდა ფლობდნენ ინფორმაციას ყველა დაგეგმილი აქტივობის შესახებ. აქტივობები უნდა იყოს შემეცნებით, გასართობ-სპორტული. ყველა სტუდენტი ჩართული უნდა იყოს თითოეულ აქტივობაში და მათი დღე თითქმის სრულად დაკავებული უნდა იყოს. დღის განმავლობაში უნდა რჩებოდეთ მინიმალური თავისუფალი დრო.

მიმწოდებელმა, სტუდენტებს შემსყიდველთან შეთანხმებით წინასწარ უნდა წარუდგინოს დღის გეგმა (აქტივობები, ლექციები, კვება, თავისუფალი დრო).

1.2.15 შემსყიდველი უფლებამოსილია ნებისმიერ ეტაპზე ადგილზე შეამოწმოს (როგორც ხელშეკრულების გაფორმებამდე, ასევე ხელშეკრულების გაფორმების შემდეგ) პრეტენდენტის/მიმწოდებლის მატერიალურ-ტექნიკური ბაზა სატენდერო დოკუმენტაციით გათვალისწინებულ მოთხოვნებთან შესაბამისობის დადგენის მიზნით.

1.2.16 შემსყიდველი მიმწოდებელს ხელშეკრულების გაფორმების შემდეგ, შესაბამისი დავალების გაცემისას გადასცემს პროექტში ჩართული პირების სიას.

1.2.17 მონაწილეთა რეგისტრაცია უნდა მოხდეს „თბილისი წიგნის მსოფლიო დედაქალაქი“ ფეისბუქ გვერდზე. მონაწილეთა შერჩევა უნდა მოხდეს ღია კონკურსის საფუძველზე, მათ მიერ გამოგზავნილი სამოტივაციო წერილის და შევსებული აპლიკაციის მიხედვით. სტუდენტმა უნდა წარმოადგინოს პირადობის დამადასტურებელი მოწმობის ან პასპორტის ასლი და სტუდენტის აქტიური სტატუსის დამადასტურებელი საბუთი. სამოტივაციო წერილი უნდა ასახავდეს კისტრენინგებისა და წვრთნების შესაბამისი თემატიკით დაინტერესებას.

1.2.18 სტუდენტების შერჩევა ხდება შემსყიდველის მიერ. წარმოდგენილი საბუთების და სამოტივაციო წერილის საფუძველზე, საბუთების მიღების დასრულებიდან 2 კვირის ვადაში, შემსყიდველი შერჩეულ სტუდენტებთან მოაწყობს გასაუბრებას (ფიზიკური ან ონლაინ). გასაუბრების შემდეგ, შემსყიდველი შეარჩევს ტრენინგებსა და წვრთნებში მონაწილე სტუდენტებს.